

Bosna i Hercegovina  
Federacija Bosne i Hercegovine  
Kanton Sarajevo  
JU Treća gimnazija  
Vijeće roditelja školske 2023/24. godine

Sarajevo, 25. 03. 2024. godine

## ZAPISNIK

### Treće redovne sjednice Vijeća roditelja

Treća redovna sjednica Vijeća roditelja održana je 25.03.2024. godine u amfiteatru Treće gimnazije sa početkom u 16.30 sati.

Sjednici je prisustvovalo 16 članova Vijeća roditelja (od neophodnih 13 koliko iznosi kvorum neophodan za odlučivanje prema članu 16. Poslovnika o radu Vijeća roditelja). Odsutno je bilo 8 članova Vijeća roditelja od kojih su 4 člana najavila svoj izostanak (gđa. Amra Škapur III4, gđa. Admira Salić-Čano III6, g. Samir Pleho I6 i gđa. Amela Muratović-Ribić II4), a gđa. Maksida Ibrahimović I4, gđa. Velida Begović IV1, g. Rifat Fetić IV3 i g. Mirza Terzo IV6 su nenajavljeno odsustvovali.

Sjednici Vijeća roditelja također su prisustvovali predstavnici škole JU Treća gimnazija i to direktorica škole gđa. Amra Čolić, zamjenica direktorice gđa. Meliha Salihović i pedagog škole gđa. Hasija Dedović.

Dnevni red sjednice bio je:

1. Usvajanje Zapisnika sa Druge redovne sjednice Vijeća roditelja JU Treća gimnazija
2. Analiza uspjeha učenika u učenju i vladanju na kraju prvog polugodišta
3. Upoznavanje sa aktivnostima Koordinacije Novo Sarajevo VROŠŠ Kantona Sarajevo
4. Informacija o radu Komisije za ekskurziju
5. Dan otvorenih vrata „Naših ruku djela“ - informacije
6. Projekti interkulturalne razmjene učenika (Češka, Turska i Japan) - informacije
7. Tekuća pitanja

Dnevni red je usvojen bez zahtjeva za njegovom izmjenom.

#### **Ad/1**

(Usvajanje Zapisnika sa Druge redovne sjednice Vijeća roditelja JU Treća gimnazija)

Zapisnik Druge redovne sjednice Vijeća roditelja jednoglasno je usvojen.

#### **Ad/2**

(Analiza uspjeha učenika u učenju i vladanju na kraju prvog polugodišta)

Analizu uspjeha učenika škole u učenju i vladanju prezentovala je gđa. Meliha Salihović. Ova analiza će također biti dostavljena članovima Vijeća roditelja putem mail-a.

### **Ad/3**

(Upoznavanje sa aktivnostima Koordinacije Novo Sarajevo VROŠŠ Kantona Sarajevo)

Predsjednica Vijeća roditelja gđa. Aida Aganović (II1) izvjestila je Vijeće roditelja o dešavanjima sa online sjedice Koordinacije Novo Sarajevo VROŠŠ Kantona Sarajevo.

Na toj sjednici, prenijela je, govorilo se o izmjenama Pravilnika o radu Vijeća roditelja za osnovne i srednje škole. Tema je bila i sigurnost učenika naročito u osnovnim školama.

Također se razgovaralo i o polaganju eksterne mature za završne razrede osnovnih škola sa zahtjevom nadležnom Ministarstvu za odgoj i obrazovanje KS za ukidanjem polaganja eksterne mature. Ovaj zahtjev je odbijen od strane nadležnog Ministarstva.

Bilo je još tema ali bi navedeno bio kratak rezime, zaključila je.

G. Mirza Hulusić (I5) smatra adekvatnim da se, po mogućnosti, zapisnik sa sjednica pomenute Koordinacije dostavlja članovima Vijeća roditelja.

Gđa. Aida Aganović (II1) je rekla da će na sljedećoj sjednici ove Koordinacije iznijeti navedeni prijedlog za dostavljanjem zapisnika.

### **Ad/4**

(Informacija o radu Komisije za ekskurziju)

U Komisiju za izbor putničke agencije izabrani su članovi Vijeća roditelja iz reda odjeljenja trećih razreda i to gđa. Snježana Brkić (III3) i gđa. Almira Muhović (III5).

Gđa. Snježana Brkić (III3) prenijela je Vijeću roditelja relevantne informacije po pitanju ekskurzije. Destinacija ekskurzije učenika trećih razreda će biti Španija a odabrana je putnička agencija Divan Karupović d.o.o. kao jedina ispravna ponuda za realizaciju ekskurzije od tri pristigle. Iskustva sa ovom putničkom agencijom su pozitivna, konstatovala je. Ideja je, kaže, da naša djeca vide što više znamenitosti ali i da budu što više zajedno na tom putovanju. Ekskurzija će biti realizirana u periodu od 24.05.2024 do 01.06.2024. a cijena aranžmana je 1090 KM. Navela je i da 6 učenika nije u stanju platiti cijenu ekskurzije pozivajući na solidarnost sa ovim učenicima u smislu finansijske potpore.

Vijeće roditelja JU Treća gimnazija apelira na sve ljude dobre volje i mogućnosti da pomognu svojim donacijama (u iznosu u kojem žele) odlazak pomenutih učenika na ekskurziju. U tom smislu za sve dodatne informacije mogu se obratiti upravi škole Treća gimnazija ili nekom od razrednika odjeljenja trećih razreda.

Direktorica škole gđa. Amra Čolić naglasila je da uprava škole, u smislu konsultacija na koji način realizirati ovu finansijsku pomoć, stoji na raspolaganju.

### **Ad/5**

(Dan otvorenih vrata „Naših ruku djela“ - informacije)

Direktorica škole gđa. Amra Čolić konstatovala je da će se tradicionalna manifestacija Treće gimnazije „Naših ruku djela“ održati 26.04.2024. U tom smislu srdačno poziva roditelje učenika

kao i sve druge zainteresovane da posjete ovu manifestaciju ali i muzej Treće gimnazije koji je nedavno otvoren.

Gđa. Snježana Brkić (III3) (kao i ostali članovi Vijeća roditelja) komentarisala je karakter pojedinih segmentima manifestacije zaključivši da se za eventualne nejasnoće škola može obratiti upitom nadležnim institucijama.

Gđa. Maida Agić (IV4) prenijela je Vijeću roditelja svoje iskustvo iz jedne druge škole sa sličnom manifestacijom i njenim epilogom.

Gđa. Almira Muhović (III5) je, pored svega navedenog, apelirala na roditelje (ali i sve druge koji žele pomoći) koji posjete ili ne posjete manifestaciju „Naših ruku djela“ da se, ukoliko su u mogućnosti, odazovu humanom pozivu za finansijsku pomoć učenicima koji nisu u stanju platiti cijenu ekskurzije te da od uprave škole mogu dobiti instrukcije kako da to urade.

#### **Ad/6**

(Projekti interkulturalne razmjene učenika (Češka, Turska i Japan) - informacije)

Direktorica škole gđa. Amra Čolić prenijela je Vijeću roditelja informacije vezane za projekat interkulturalne razmjene učenika (Češka, Turska i Japan). U tom smislu, navela je, realiziran je javni poziv učenicima škole za posjetu Japanu (15-17 učenika se odazvalo). U aprilu se očekuje dolazak učenika iz Češke a u junu odlazak naših učenika u Češku. U maju bi trebali doći učenici iz Turske.

#### **Ad/7**

(Tekuća pitanja)

Predsjednica Vijeća roditelja gđa. Aida Aganović (II1) izvjestila je Vijeće roditelja o saradnji Vijeća roditelja sa udruženjem „Alumni Treće gimnazije“ na potpori projekata škole.

Na račun udruženja „Alumni Treće gimnazije“ uplaćeno je do sada 5800 KM. Od toga je potrošeno 4165 KM (vođenje računa za 5 mjeseci 35 KM, štampanje Godišnjaka 2552 KM, Karupović - prevoz 602 KM, kancelarijski materijal 502 KM, knjigovodstvene usluge 237 KM, uplata časova matematike za učenike takmičare škole 237 KM, itd.). Na računu udruženja je trenutno 1635 KM.

Treća redovna sjednica Vijeća roditelja završena je u 17.55 sati.

Zapisnik sastavio:

g. Izet Turković, sekretar Vijeća roditelja

Zapisnik ovjerila:

gđa. Aida Aganović, predsjednica Vijeća roditelja

---

---